



AM
WILSON

KPILI ALUM NYA JISOS

Jisos bungu re, "Kpili go egame."
Matiu 11 : 29



SCRIPTURE GIFT MISSION
ECCLESTON ST., LONDON SW1W 9LZ
Printed in Great Britain

Alum nya Ntul a Jisos bungu no

Taamen, wahn woom-m go
elwo, fere jo kpili go egame.
Matiu 11 : 29

Me wo li ellenge ni njini.
Nne awohng awohng no l'
toon-m, á nehm kpe jen go
ejanng, á bahke bele
ellenge ni elkpin. Jon 8 : 12

Me wo li mbang, me wo li
etingitingi, me wo li elkpin.
Nne nne limm, no bahke
sehng rehng goji Nsoo,
tohko tiki jol re á sehng go
egame. Jon 14 : 6

Nwer nyia, bo ko alum Esowo nya lohng
yefono nwer Esowo kak. Fuumu re wo bel
nwer Esowo, jo lung, tibre alum nya wob
atahng, Esowo bi lenge no ka ane kpekpe.

Jisos limi wahr nyehn ellenge

Awakamahr na abal ji o nkpe a mbang. Eji bo wuku re, Jisos kp' bake elsehnge, bo kehm kehme elrabe re, "Mmon no Devid, nong, wahr fil-ndon!"

Ellong ane bao kehm sahde bo re bo rahke ewok. Bo jo kpe nyenngge na rabe re, "Mmon no Devid, nong, wahr fil-ndon, nsoo!"



Jisos kehm yiimi, lung bo re bo ba. Á kehm bahbe bo re, “Ñ kp’ sebe re me n lim jen ka-n?” Owo bo kehm-e faange re, “Nsoo, lub lenng-r amahr enyahre!”

Owo Jisos ndon kehm-e fili. Á kehm song kooro bo abo go amahr, bo kehm soro nyehn tvtv, soro tahm toon-e.

Matiu 20 : 30–34

Nne awo Esowo ko-e ana nne no ga gbal?

Jisos kehm lungu mmonse, ba yiimi go bo a mbuksong, kehm bungu re, “Etingitingi, n kp-n tongo re, Ñ tohko tiki yaange jol ana abonse, n nehm tiki li etul bi Esowo. Fvfo, nne no l’ rede elne, jol ana mmonse noa, ye wo ga gbal go ellong ane ba wob go elwo ni Esowo.” Matiu 18 : 2–4



Nne no kp' jene go mbang nyi Jisos ye wo kpi eyebatahng

Jisos kehm tahme, jo yanngé go Galili kpee, jo tib ane go bo ntahk ero, fere jo tiingi nnoobo etib bio bi etul bi Esowo, fere jo lim ane, bo nob elkohn eyam abehng abehng.

Eji Jisos nyehne ellong ane bao, á kehm tahme go ewong. Á ji kan a me, abat'toono ebe kehm bake go ege. Á kehm kehme bo tib re,

“Elfuulu li ka ane ba ma gbo ekpak bio bi etohko. Tibre etul bi Esowo li ka bo.

Elfuulu li ka ane ba jehk ndon ndon.
Tibre bo bahke kake bo eltim.

Elfuulu li ka ane ba kpi nnaange eljini.
Tibre bo bahke bele njini ana ejum
elehke elkv ebo.

Elfuulu li ka ane ba kp' sahb s'seb re
bo li eno go esamahr bi Esowo. Tibre
bo bahke lehke eno.

Elfuulu li ka ane ba, ane kpo fili bo
ndon. Tibre bo bahke tob fili Esowo
ndon.

Elfuulu li ka ane ba ntim ebo li saang.
Tibre bo bahke nyehne Esowo.

Elfuulu li ka ane ba kpo seb elkoono.
Tibre bo bahke jo lung bo re abon ba
Esowo.

Elfuulu li ka ane ba, bo kp' nohko bo
tib eji bo kp' limi nsol nyi li go
etingitingi. Tibre etul bi Esowo li
ka bo.” Matiu 4 : 23. Matiu 5 : 1-10

Jisos tib-r ana wahr jo kor-e

Jisos bungu re, “Nne awohng lohngo go Jerusalem, jo tahm go Jeriko. Eji á jo tahm, á kehm song kpiri awajv. Bo kehm-e yehke nsol nyi á kake no, fere dv-e, tab-e tub, á sa noongo o ana nkvene.

Wo ana, ejum jo jol, nlimajom awohng jo sehng mbang nyio. Eji á ba nyehn nne noo nong no, á kehm gbake eje, sehng nkpe a mbang nyehko tahm.





Ano wo fvfo nne no kpo lim eltum go etahk Esowo kehm tob ba rehng edi jio, ba nyehn nne noo, tob gbake eje, sehng nkpe a mbang nyehko tahm eje.

Nne a Samaria awohng no jo tahm eljen, kehm tob ba rehng eji nne noo. Eji á nyehn-e no, ndon kehm-e gbale go eltim. Á kehm jeere, song kpir-e, fere kak-e akehng go alok, a alahb avain, gba-e, kehm-e rodo kunu go ege a nnyam, tahm a ne, song rehng go etahk ajehng. Owo á bohng-e no.

Etoono efung behko, á kehm yehke akpohko, ka nfontahk noo, kehm bungure, ‘Jo kpur-e. Akpohko anyehng anyehng nya a l’ kpe ranng ebudu, n l’ ba, m bahke feere a nya ka-a’.” Luk 10 : 30–35

Nnoobo etib

Jisos kehm feere a nsahm Etingi Etohko, ba rehng go Galili . . . kehm jeke go Nasaret, edi ji bo le-e no, á gbal. Efung Esabat á kehm jeke go etahk ero ana á jo kono ellimi. Á kehm mehle yiimi re á lung edi nwer Esowo.

Bo kehm-e kake nwer nyi nnyehnamahr Aisaya. Eji á ma lennge nwer nyio, á kehm song nyehn edi ji bo nyono re, ‘Etohko ji Ntul Esowo jia, kun-m. Á ma-m kak akehng go esi re me n tiingi akpak nnoobo etib. Á ma-m tum re me n song tiingi etib bi bahke wahng aneb



agbekobo for, awakamahr nyehn. Á ma-m tum re me n song tahre ane ba kp' nyehne erem yehke bo go afemfem nya bo wob no, fere tong ane re, Elya eyebatahng ni Ntul Esowo ebrehng.'

Ane kpee ba woomo go ekp'kpa ero jio jo seeng-e na seenge too. Owo á kehm kehme elbungu a bo re, "Edi nwer Esowo jia ebjol go etingitingi lela, eji m ma wuk." Owo ane kpee kehm-e kehme eltehke. Anoobo alum nya lohng-e go nnyo jo kpo bo esi sehng. Luk 4 : 14, 16-22



Etingitingi elkoro

Nt'tibi no atahm awohng kehm lohngo ba, ba bahb Jisos re, "Ntahm anyi li li ngbokambang a ntahm nyi gbale sehngge atahm kpee?"

Jisos kehm faange re, "A wo li ngbokambang a ntahm, 'Wuken abon Israel! Esowo Ntul ewahre, ye wo li Esowo ntahngtahng. Nobo re Esowo Ntul ewa jo kor-a eltim eltim ena, a etohko etohko eja, a ntir ntir enya, a eko eko eja.'

Etoono ntahm nyehka li re, 'Nne ebjing ewa jo kor-a ana ebjing eba.' Ntahm anyehng anyehng go kpeem li, nyi li etahntahn ntahm sehngge nyia na ebal." Mark 12 : 28-31

Jisos bungu re, “Ana n kp’ koro Nsoo, ano wo wahn kp-m tob kor. Jolen go egame elgoro! Jon 15 : 9

Jisos ka-r etingitingi elkpín

Jisos kehm tahme go ejahbe ji bo jo lung re Nain . . . Eji á ma kabbe eti mbu ji jolo ejahbe jio, ane ba solo nkvene kehm lohngo ejahbe jio abake. Nne no kpo no jolo mmon mmon awohng no nnenkal no jolo nkalebun. Ellong ane gbalee jolo a nnenkal noo o, ba lohngo ejahbe jio.

Eji Ntul a Jisos nyehn-e no, ndon kehm-e gbale go ege eltim tib nnenkal noo. Owo á kehm-e tongo re, “Ka kpe ling!” Á kehm jeere, song kooro ekpa ji bo gbade nkvene. Aneblum ba sol-e no kehm yiimi. Jisos kehm bungu re, “Njangkun, n kp-a tongo re, wo mehl!”

Nne no kpo no kehm soro mehl ji,
kehm kehme elbungu. Jisos kehm-e
jabbe, kak nnyehn go ebo.

Owo nne awohng awohng kehm kehme
elfahle, fere jo tehk Esowo re, “Egburu
nnyehnamahr eblohng go egahre
ellong.” Bo kpe bung re, “Esowo
ebba re á ba tahre ane ebe.”

Luk 7 : 11–16

Pita bungu re: “Ntul . . . wo wo kpi
alum nyao nya elkpin ni li go njinanjini.
Wahr ebtaame, fere kahn re, wo wo li
Mbarebara nne no Esowo.”

Jon 6 : 68–69

Ntul a Jisos bungu re: “Nne nne limm,
no ma j’je go ejahbetul Esowo,
sehngem Mmon no nne wo wo ma
lohng go ejahbetul Esowo ba.

Ana Moses rodo nnyo kum go ejangnti,

rod jahm ngare nyi bo jolo go elka emahng, ano wo fvfo bo bahke tob rod Mmon no nne, kum go ejangnti, rod jahm, eji nne awohng awohng no l' taame tv-e, á l' bel elkpin ni li go njinanjini.

Esowó njini kor-e na, wo, á rodo Mmon mmon awohng ewe ka re, nne awohng awohng no l' taame tv-e, á nehm tiki kpo tan, á kpi elkpin ni li go njinanjini.

Tibre Esowo tumem Mmon ewe tv go njini nyia re á ba ka njini ebi. Á tum-e re á ba tahre njini nyia.”

Jon 3 : 13–17

Mbang nyi nne bahke bele atingitingi afang goji Esowo

Ntubesi awohng kehm bahbe Jisos re, “Nnooba nt'tibi, m bahke limi renan, kehm bele elkpin ni li go njinanjini?”

Jisos kehm-e faange re, “A kp’ kahne atahm . . .” Owo nne noo kehm faange re, “Atahm nyaa kpee m bomo elbumu ngare nyi n kpeke li ntiil.”

Eji Jisos wuku ano, á kehm bungu re, “Ebsa ejum ajehng ji a bahke gohro lim. Song gungu nsol kpee nyi a kpi no, wo ko akpohko nyao song ka akpak, owo a bahke bele afang go ejahbetul Esowo, wo fere tahm toon-m.”



Eji á wuku ano, á kehm kehme elguunu, tibre á fange sehng.

Luk 18 : 18-23

Jisos bungu re: “Nne li ma gunu nruk ebal go are, ka mpene. Abehng abehng limm, bi bahke gboko go ndi, sehngem re no, Nso ejahne taame na. Wahn, alv enyahne kpee nya li go egahne asi, bobfange. Kana kpe fahl! Wahn ba ga lub sehng nruk gbalee.”

Matiu 10 : 29-31

Nyehnen ana at'tul nkpád kpo gbal go emahng. Bo kpehme nyenngé lim eltum. Bo kpehme jamme nsol kak elbo. N kp-n tongo re, Jol Solomon go ege ellub, á liibem ana at'tul nyao.

Matiu 6 : 28-29

*

Soro asi, wo jo lim nsol nyi a ma kpili, fere taame tv.

2 Timoti 3 : 14

© World Home Bible League